

## 源流考引

吾族世系皆祖 端公以其为始迁之祖也 然不溯其源而穷其流 未免貽数典忘祖之诮 故復推其所自出等而上之作 源流考使数千年血脉流传至今猶可指数 但其中昭穆伦次 老谱所载间有异同无从分辨 兹惟即其疑误处略为改易餘 仍照旧抄载 以俟来哲详加参考

## 陈氏源流考

吾宗为虞舜之后 禹封商均於虞裔孙遏父为周 陶正生满 武王配以元女太姬 而封之陈是为胡公 子孙以国为氏 此吾宗得姓之始 周敬王二十四年 有讳衍者迁阳武户牖汉丞相平 产於是乡实其嫡派佐高祖定天下 后封户牖侯 改封曲逆侯 详史记陈丞相世家传至东汉时 而有太邱长实 以德化民 偕诸子及孙等诣荀淑家讨论 是夜太史奏德星聚奎当有贤入聚会因颜其堂曰德星堂 年八十四卒 海内赴弔者三万余人 謚文範先生子曰 纪字元方 曰谡字季方 克世其德时号三君 每公府辟召一门羔雁成羣 见者叹羨 元方子长为弟 后魏文帝御碑纪之 纪子羣儿时太邱尝语人曰 此儿必兴吾宗 魏官尚书僕射有正直声每上封事辄削其草时人及子弟莫知也 论者或讥其缄默后诏

录名臣奏议朝士乃见所条上皆叹息焉 青龙年薨谥静侯 静侯生穆侯 泰生恂  
恂无嗣 弟温绍封湛 子无考 孙佐为青州刺史 佐生晋 太尉准 准生匡 匡生  
达 永嘉中自颍川迁吴兴 为丞相擢太子洗马 出为长城令 悦其山水遂家焉  
尝谓所亲曰 此地山川秀丽当有王者兴焉 二百年后我子孙必钟斯运达生康  
復为丞相擢咸和中土断故为长城人康生盱眙太守英英生尚书郎公弼弼生步  
兵校尉鼎鼎生散骑侍郎高高生怀安令詠詠生安成太守猛猛生太常卿道巨 道  
巨生陈太祖景皇帝文讚文讚生昭烈王道谭仕梁为东宫值阁将军武帝霸先其  
弟也侯景之乱道谭援台中流矢卒 绍嘉二年赠南兖州刺史 义兴郡公 谥曰昭  
烈武帝受禅追赠太傅 改封始兴郡王 子頊初封安成王为司徒录尚书事 与武  
帝子昌同陷於周后得南还入承大统是为宣帝 宣帝生宜都王叔明 祯明间避  
居江西后人隋为鸿臚少卿 当开皇混一之后 其時陈氏子弟皆配於陇右河西  
诸州 大业间胥召还京 师隨才敘用由是並为守宰遍於天下 叔明五世孙兼唐

时官右补阙 兼生秘书少監集贤院学士京 京无子 以从子鹽官令褒为嗣 褒生高安丞灌 灌子无考 孙伯宣曾注史记行於世游廬山 因居德安以著作佐郎召不起 子崇为江州长史 僖宗时尝诏旌其门 南唐又立为义门 免徭役崇兄玮端 者宦游於外 咸通间授招讨使 以助剿黄巢功封威烈将军 后为武安节度使 武安即今之长沙 因家焉后唐同光时卜居金鏗大塘是为江州迁湖南之初祖 墓在今浏阳筲箕坡 长沙陈氏自此始嗣

孙文玮谨述